

20151925312

L I G J
PËR NDRYSHIMIN DHE PLOTËSIMIN E LIGJIT PËR REVIZION SHTETËROR

Neni 1

Në Ligjin për revizion shtetëror (“Gazeta zyrtare e Republikës së Maqedonisë” numër 66/10, 145/10, 12/14, 43/14 dhe 154/15), në nenin 17-a në paragrafin (3) fjala "formuar zëvendësohet me fjalën "përbërë".

Në paragrafin (5) fjala “njëherë” zëvendësohet me fjalën “dy herë”.

Në paragrafin (7) pas fjalës “vendos” shtohen fjalët: “së paku 30% prej”, kurse pas fjalës “mënjahohen” shtohen fjalët: “dhe zëvendësohen me të reja”.

Neni 2

Në nenin 17-b para fjalës “Profesional” shtohet numri "(1)", kurse pas fjalës “revizion” shtohen fjalët: “për çka kryerevizori shtetëror përcakton person përgjegjës i cili konstaton nëse kandidati i plotëson kushtet për dhënien e provimit”.

Pas paragrafit (1) shtohet paragraf i ri (2), si vijon:

“(2) Personit përgjegjës nga paragrafi (1) i këtij neni për çdo sesion të mbajtur provimi i përket kompensim me para, në shumë prej një të tretës nga neto paga mesatare në Republikën e Maqedonisë, për çka Enti Shtetëror për revizion miraton aktvendim.”

Neni 3

Në nenin 17-zh paragrafi (1) shlyhet.

Paragrafët (2) dhe (3) bëhen paragrafët (1) dhe (2).

Neni 4

Në nenin 17-z paragrafi (2) ndryshohet si vijon:

„Kandidatët të cilëve u është miratuar kërkesa për dhënien e provimit dhe publiku informohen për datën dhe kohën e mbajtjes së provimit, së paku tetë ditë para mbajtjes së provimit nëpërmjet ueb faqes së Entit Shtetëror për revizion dhe Servisit Publik Radiodifuziv.”

Pas paragrafit (5) shtohen pesë paragrafë të rinj (6), (7), (8), (9) dhe (10) si në vijim:

“(6) Përfaqësuesve nga paragrafi (5) i këtij neni për çdo sesion të mbajtur provimi u përket kompensim me para, në shumë prej një të tretës nga neto paga mesatare në Republikën e Maqedonisë, për çka Enti Shtetëror për revizion miraton aktvendim.

(7) Personi i autorizuar juridik i cili teknikisht e zbaton provimin është i obliguar të bllokojë shtrirjen e radiofrekuencave në hapësirën për dhënien e provimit gjatë kohës së zbatimit të sesioneve të provimeve.

(8) Agjencia për komunikime elektronike (në tekstin e mëtejme AKE) zbaton monitorim të vazhdueshëm të bllokimit të shtrirjen e radiofrekuencave në hapësirën e dhënies së provimit, me qëllim të parandalohet çdo lloj i komunikimit elektronik me mjedisin e jashtëm nga hapësira për dhënien e provimit.

(9) AKE në hapësirën për dhënien e provimit instalon pajisje matëse e cila siguron regjistrim elektronik nga matjet e kryera në kohëzgjatje prej 30 ditëve, dhe të njëjtat magazinohen në sistemin qendror kontrollues të AKE.

(10) AKE formon komision prej tre anëtarëve që përpilon raport në bazë të regjistrimeve elektronike të magazinuara në sistemin qendror kontrollues të AKE dhe të njëjtin e parashtron në Entin Shtetëror për revizion më së shumti në afat prej 15 ditëve nga data e përfundimit të sesionit të provimeve.

Neni 5

Në nenin 17-x në paragrafin (7) pas fjalës “sesion” pika në fund të fjalisë shlyhet dhe shtohen fjalët: “dhe i shqiptohet ndalesë për dhënien e provimit në kohëzgjatje prej tre viteve, për çka Enti Shtetëror për revizion miraton aktvendim kundër të cilit mund të ngrihet kontest administrativ pranë gjykatës kompetente në afat prej 30 ditëve nga dita e pranimit të aktvendimit.”

Neni 6

Në nenin 17-s paragrafi (4) ndryshohet si vijon:

„Komisioni nga paragrafi (3) i këtij neni mban mbledhje pas çdo sesioni të mbajtur të provimeve dhe kryen revizion të zbatimit të provimit, duke përfshirë edhe atë nëse provimin e kanë dhënë kandidatë të cilët i plotësojnë kushtet për dhënien e provimit në pajtim me nenet 14 dhe 15 të këtij ligji, për çka parashtron raport në Entin Shtetëror për revizion.

Paragrafi (5) ndryshohet si vijon:

Anëtarëve të komisionit nga paragrafi (3) i këtij neni u përket kompensim me para, që në nivel vjetor është një rrogë mesatare neto në Republikën e Maqedonisë, për çka Enti Shtetëror për revizion miraton aktvendim.”

Neni 7

Në nenin 39-a pas paragrafit (2) shtohet paragraf i ri (3), si vijon:

“(3) Gjobë në shumë prej 10.000 euro në kundërvlerë me denarë do t’i shqiptohet personit të autorizuar i cili teknikisht e zbaton provimin nëse nuk e bllokoi shtrirjen e radio frekuencave në hapësirën për dhënien e provimit”.

Pas paragrafit (3) që bëhet paragrafi (4) shtohet paragraf i ri (5), si vijon:

“(5) Gjobë në shumë prej 2.000 deri 3.000 euro në kundërvlerë me denarë do t’u shqiptohet përfaqësuesve të autorizuar nga neni 17-z paragrafi (5) i këtij ligji nëse lejojnë kandidati të veprojnë në kundërshtim me nenin 17-x paragrafët (2), (3) dhe (4) të këtij ligji.”

Neni 8

Pas nenit 39-b shtohen tre nene të reja 39-v, 39-g dhe 39-d si vijojnë:

“Neni 39-v

Me gjobë prej 2.000 deri 3.000 euro në kundërvlerë me denarë do të dënohet personi përgjegjës nga neni 17-b paragrafi (1) i këtij ligji i cili do të lejojë të japë provim kandidat i cili nuk i plotëson kushtet e caktuara me këtë ligj.

Neni 39-g

Gjobë në shumë prej 100 deri 200 euro në kundërvlerë me denarë do t’i shqiptohet kandidatit nëse vepron në kundërshtim me nenin 17-x paragrafët (2), (3) dhe (4) të këtij ligji.

Neni 39-d

Me gjobë prej 2.000 deri 3.000 euro në kundërvlerë me denarë do të dënohen anëtarët e Komisionit nga neni 17-s paragrafi (3) i këtij ligji, nëse konstatojnë parregullsi në zbatimin e provimit, kurse atë nuk e regjistrojnë në raportin për Entin Shtetëror për revizion.”

Neni 9

Ky ligj hyn në fuqi në ditën tetë nga dita e botimit në "Gazetën Zyrtare të Republikës së Maqedonisë”.